0.0.1 asubhānupassīsuttam

- 1. vuttam hetam bhagavatā. vuttamarahatā'ti me sutam:
- 2. asubhānupassī bhikkhave kāyasmim viharatha. ānāpānasati ca vo ajjhattam parimukhamsūpaţţhitā hotu. sabbasankhāresu aniccānupassino viharatha.
- 3. asubhānupassīnam bhikkhave kāyasmim viharatam yo subhāya dhātuyā rāgānusayo so pahīyati. ānāpānasatiyā ajjhattam parimukham sūpaṭṭhitāya ye bāhirā vitakkāsayā vighātapakkhikā te na honti. sabbasankhāresu aniccānupassīnam viharatam yā avijjā sā pahīyati. yā vijja sā uppajjatī'ti.
- 4. etamattham bhagavā avoca. tatthetam iti vuccati:

"asubhānupassī kāyasmim, ānāpāne patissato; sabbasankhārasamatham, passam ātāpi sabbadā.

sa ve sammaddaso bhikkhu, yato tattha vimuccati; abhiññāvosito santo, sa ve yogātigo munī"ti.

5. ayampi attho vutto bhagavatā. iti me sutanti.